

VJEROVALI ILI NE !!!

I TO SE DOGAĐA,

Grupa zaposlenika/uposlenika predlagača formiranja Vijeća zaposlenika/uposlenika JP Željeznice Federacije BiH d.o.o. Sarajevo, dana 3. novembra 2010.godine se obratila sindikatima u sistemu Željeznice FBiH da:

«sindikati sazovu skup zaposlenika/uposlenika radi imenovanja izborne komisije».

Kako se navodi:

«Shodno članu 10. stav 3. Zakona o vijeću uposlenika, pozivamo vas da sazovete skup zaposlenika/uposlenika radi imenovanja Izborne komisije»...

...i slijedi (bizarno i za Riplija) upozorenje:

«Navedene aktivnosti potrebno je da provedete u roku od sedam dana tj. do 11.11. 2010.godine. Ako u navedenom roku ne sazovete skup ili se pismeno ne izjasnite o navedenom u predmetu, Inicijativni odbor će preuzeti dalje aktivnosti i sazvati skup zaposlenika/uposlenika».

Što bi rekao sportski komentator pok. Mladen Delić: «Ma ljudi moji je li ovo moguće, ludnica !»

Izgleda da je, gore, «grupa uposlenika», u nazivu «Inicijativni odbor», sebi uzela za pravo da mogu «svojatati» Zakon o vijeću uposlenika tj. kao da imaju svoj Statut, Poslovnik o radu, izvršnu (zakonodavnu) vlast i mogu izricati pravne mjere i rokove i čak (u ime Poslodavca) preuzeti stvar u svoje ruke i sazvati «zbor radnika»!

Šta kaže član 10. stav 3.;

Članak 10.

Izorno povjerenstvo imenuje vijeće uposlenika prilikom raspisivanja izbora.

Ako kod poslodavca nije osnovano vijeće uposlenika, izorno povjerenstvo imenuju svi uposleni na skupu uposlenika.

Skup uposlenika iz stavka 2. ovog članka saziva Sindikat.

Nadamo se da će ovaj članak pročitati odgovorno lice Federalne uprave/Inspektorat inspekcije rada. Činjenica:

VII – NADZOR NAD SPROVEDBOM ZAKONA

Članak 38.

Nadzor nad sprovedbom ovog Zakona u Federaciji BiH obavlja nadležna inspekcija rada.

Slijede **DVA** dokaza:



INCIJATIVNI ODBOR

Grupe zaposlenika/uposlenika predlagača formiranja Vijeća zaposlenika/uposlenika
JP Željeznica Federacije BiH d.o.o Sarajevo
Sarajevo, 03.11.2010. godine

Samostalni sindikat željezničkih radnika u BiH

Samostalni sindikat tehničko kolske službe

Sindikat mašinovođa/strojovođa

Sindikat željezničara HNZ

Samostalni sindikat izvršnog osoblja Područja Infrastrukture

Samostalni sindikat za održavanje šinskih vozila u FBiH

PREDMET: Sazivanje skupa zaposlenika/uposlenika radi imenovanja izborne komisije.

Zaposlenici/uposlenici JP Željeznica Federacije BiH d.o.o Sarajevo, iskoristivši svoje zakonsko pravo da učestvuju u odlučivanju o pitanjima u vezi sa njihovim ekonomskim i socijalnim pravima i interesima iz rada i u vezi sa radom pokrenuli su inicijativu formiranja Vijeća zaposlenika/uposlenika, koji će skupa sa sindikatima zajedničkim radom i djelovanjem kod Poslodavca efikasnije i dosljednije štiti prava i interese zaposlenika/uposlenika.

Grupa koja broji više od 20 % zaposlenika/uposlenika od ukupnog broja zaposlenih/uposlenih je pokretač formiranja vijeća zaposlenika/uposlenika. U izostanku inicijative sindikata na nivou JP Željeznica Federacije BiH d.o.o Sarajevo, Inicijativni odbor svih zaposlenika/uposlenika zatražio je izjašnjenje svih zaposlenika/uposlenika u JP Željeznica Federacije BiH d.o.o Sarajevo. Do sada je 2701 zaposlenik/uposlenik (cca 70%, sa tendencijom povećanja) od ukupnog broja zaposlenih/uposlenih kod Poslodavca se izjasnio za formiranje Vijeća zaposlenika/uposlenika kao ravnopravnog partnera-pregovarača sa Poslodavcem. Shodno članu 10. stav 3. Zakona o Vijeću zaposlenika/uposlenika pozivamo Vas da sazovete skup zaposlenika/uposlenika radi imenovanja Izborne komisije.

Navedene aktivnosti potrebno je da provedete u roku od sedam dana, tj. do 11.11.2010 godine.

Ako u navedenom roku ne sazovete skup ili se pismeno ne izjasnite o navedenom u predmetu, Inicijativni odbor će preuzeti dalje aktivnosti i sazvati skup zaposlenika/uposlenika. Obzirom da u našem JP Željeznice Federacije BiH d.o.o Sarajevo djeluje više sindikata, od svih sindikata očekujemo jedinstven stav.

Uvid u spiskove o broju predlagača formiranja Vijeća zaposlenika/uposlenika – potpisnika spiskova, možete izvršiti kod Inicijativnog odbora.

S poštovanjem,

INCIJATIVNI ODBOR: Namir Mahmutović, Senad Strojil, Namik Hajrić, Sead Cucak, Rakovac Mehmed, Hasanović Esed, Zikreta Karić, Avdija Salić, Branislav Vidović, Aida Hercegovac, Rifet Mešić, Samir Midžić, Mithad Dedić, Enes Ljubijankić, Armin Demirović, Ivanka Primorac, Želimir Krezić.

Press – Aktuelnosti 03/11/10

info@zfbh.ba

Inicijativni odbor Vijeća zaposlenika

Poziv sindikatima da sazovu skup zaposlenika

Inicijativni odbor Vijeća zaposlenika/uposlenika JP Željeznica Federacije BiH d.o.o. Sarajevo (u daljnjem tekstu Vijeće), dana 03.11.2010. godine, uputio je poziv svim sindikatima koji djeluju u ŽFBiH da se aktivno uključe u sazivanje skupa uposlenika kako bi se imenovala Izborna komisija. Zaposleni u ŽFBiH, iskoristivši svoj zakonsko pravo da učestvuju u odlučivanju o pitanjima u vezi sa njihovim ekonomskim i socijalnim pravima, te interesima iz rada i u vezi sa radom, pokrenuli su Inicijativu za formiranje Vijeća.

Namjera je da se u saradnji sa sindikatima zajedničkim radom i djelovanjem, efikasnije i dosljednije štite prava i interesi radnika kod Poslodavca. Zakonski minimum za formiranje Vijeća je 20 %, a do sada se 270 ili oko 70% od ukupnog broja zaposlenih, izjasnilo za formiranje Vijeća kao ravnopravnog partnera-pregovarača sa Poslodavcem. Shodno članu 10. stav 3. Zakona o Vijeću za zaposlenika/uposlenika, pozivaju se sindikati da sazovu skup zaposlenika radi imenovanja Izborne komisije u roku od sedam dana, tj. do 11.11.2010. godine.

Ako u navedenom roku ne bude sazvan skup ili se sindikati pismeno ne izjasne o navedenom u predmetu, Inicijativni odbor će preuzeti dalje aktivnosti i sazvati skup zaposlenika. Od svih sindikata očekuje se jedinstven stav, navodi se, između ostalog, u saopćenju Inicijativnog odbora.

http://www.zfbh.ba/zfbhbax/index.php?option=com_content&task=view&id=41&Itemid=116